

**ÁKVÖRÐUN SAMEIGINLEGU EES-NEFNDARINNAR**  
**nr. 68/2010**

**frá 11. júní 2010**

**um breytingu á II. viðauka (Tæknilegar reglugerðir, staðlar, prófanir og vottun) og  
XIII. viðauka (Flutningastarfsemi) við EES-samninginn**

SAMEIGINLEGA EES-NEFNDIN HEFUR TEKIÐ NEDANGREINDA ÁKVÖRÐUN

með vísan til samningsins um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist „samningurinn“ í því sem hér fer á eftir, einkum ákvæða 98. gr.,

*og að teknu tilliti til eftirfarandi:*

- 1) II. viðauka við samninginn var breytt með ákvörðun sameiginlegu EES-nefndarinnar nr. 80/2009 frá 3. júlí 2009 <sup>(1)</sup>.
- 2) XIII. viðauka við samninginn var breytt með ákvörðun sameiginlegu EES-nefndarinnar nr. 51/2010 frá 30. apríl 2010 <sup>(2)</sup>.
- 3) Fella ber inn í samninginn tilskipun framkvæmdastjórnarinnar 2009/26/EB frá 6. apríl 2009 um breytingu á tilskipun ráðsins 96/98/EB um búnað um borð í skipum <sup>(3)</sup>.
- 4) Tilskipun framkvæmdastjórnarinnar 2001/53/EB frá 10. júlí 2001 um breytingu á tilskipun ráðsins 96/98/EB um búnað í borð í skipum <sup>(4)</sup> og tilskipun Evrópuþingsins og ráðsins 2002/84/EB frá 5. nóvember 2002 um breytingu á tilskipunum um siglingaöryggi og varnir gegn mengun frá skipum <sup>(5)</sup> hafa verið felldar inn í XIII. viðauka við samninginn en þær ber einnig að fella inn í II. viðauka.

ÁKVÖRÐUNIN ER SVOHLJÓÐANDI:

*1. gr.*

Eftirfarandi undirliðir bætist við í 1. lið (tilskipun ráðsins 96/98/EB) í XXXII. kafla II. viðauka við samninginn:

- „– **32001 L 0053**: Tilskipun framkvæmdastjórnarinnar 2001/53/EB frá 10. júlí 2001 (Stjtið. EB L 204, 28.7.2001, bls. 1),
- **32002 L 0084**: Tilskipun Evrópuþingsins og ráðsins 2002/84/EB frá 5. nóvember 2002 (Stjtið. EB L 324, 29.11.2002, bls. 53),

---

<sup>(1)</sup> Stjtið. ESB L 277, 22.10.2009, bls. 31, og EES-viðbætur við Stjtið. ESB nr. 56, 22.10.2009, bls. 7.

<sup>(2)</sup> Stjtið. ESB L 181, 15.7.2010, bls. 19, og EES-viðbætur við Stjtið. ESB nr. 37, 15.7.2010, bls. 25.

<sup>(3)</sup> Stjtið. ESB L 113, 6.5.2009, bls. 1.

<sup>(4)</sup> Stjtið. EB L 204, 28.7.2001, bls. 1.

<sup>(5)</sup> Stjtið. EB L 324, 29.11.2002, bls. 53.

- **32009 L 0026**: Tilskipun framkvæmdastjórnarinnar 2009/26/EB frá 6. apríl 2009 (Stjtíð. ESB L 113, 6.5.2009, bls. 1).“

2. gr.

Eftirfarandi undirliður bætist við í lið 56d (tilskipun ráðsins 96/98/EB) í XIII. viðauka við samninginn:

- „– **32009 L 0026**: Tilskipun framkvæmdastjórnarinnar 2009/26/EB frá 6. apríl 2009 (Stjtíð. ESB L 113, 6.5.2009, bls. 1).“

3. gr.

Íslenskur og norskur texti tilskipunar 2009/26/EB, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

4. gr.

Ákvörðun þessi öðlast gildi 12. júní 2010, að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (\*).

5. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 11. júní 2010.

Fyrir hönd sameiginlegu EES-nefndarinnar

**A. Seatter**

formaður

---

(\*) Engin stjórnskipuleg skilyrði gefin til kynna.